



Pou Piblikasyon Imedya: 30/11/2023

GOUVÈNÈ KATHY HOCHUL

**GOUVÈNÈ HOCHUL ANONSE ACHÈVMAN PWOJÈ AMELYORASYON CHOSE
POU 44.6 MILYON DOLA SOU THRUWAY I-87 NAN KONTE ROCKLAND AK
ORANGE**

Pwojè a gen ladan I reparasyon ak refè sifas chose a

Nouvo ray gid ak drenaj yo te reprezante lòt amelyorasyon

Gouvènè Kathy Hochul te anonse jodi a achèvman yon pwojè amelyorasyon chose pou 44.6 milyon dola sou Thruway Eta New York I-87 la nan yon koridò esansyèl ki travèse Konte Rockland ak Orange kote apeprè 92,000 veyikil itilize I chak jou. Travay la, ke Otorite Thruway sipèvize, te kouvari prèske 16 kilomèt ant sòti 15, New Jersey - I-287 - NJ Route 17 Sid, nan vil Ramapo nan lwès Konte Rockland ak vil Tuxedo nan sid Konte Orange.

"Pati nan Thruway sa a se yon koridò enpòtan k ap mennen Nouyòkè yo atravè Hudson Valley, epi envestisman sa yo nan enfrastrikti nou an esansyèl pou moun ki konte sou li chak jou", **Gouvènè Hochul te deklare**. "Eta New York ap kontinye revitalize enfrastrikti li yo pou bay otomobilis yo ak machin komèsyal yo yon wout fyab pou jenerasyon k ap vini yo".

Apati [me pase](#) a, Yonkers Contracting Company, kontraktè pwojè a, te fè reparasyon an pwofondè sou chose a, sa vle di ekip yo te retire epi ranplase pòsyon ki pi deteryore yo sou yon pati nan wout prèske 16 killomèt (soti nan makè 29.4 rive 38.7) nan tou de direksyon, ki kouvari apeprè 97 kilomèt vwa total ak amelyore entegrite estriktrirèl wout la. Ekip yo te enstale yon nouvo kouch asfalt ki gen de kouch pou bay otomobilis yo yon vwayaj pi fasil, te enstale nouvo ray gid, epi amelyore sistèm drenaj ak ponso yo.

Direktè Egzekitif Pwovizwa Otorite Thruway la, Frank G. Hoare, te deklare, "Plizyè dizèn milyon machin vwayaje nan seksyon sa a nan tout sistèm nou an chak ane—pou travay, komès ak lwazi—epi amelyorasyon sa yo pral rann eksperyans kondwi a pi fasil pou moun ki itilize Thruway oswa ki konekte ak Interstate 287 oswa Route 17 nan New Jersey. Rezidan Lower Hudson Valley ak vizitè yo pral benefisyé envestisman sa a pou plizyè ane".

Bidjè 2024 Otorite a ke yo te apwouve a envesti yon total 451 milyon dola pou sipòte Pwogram Kapital li a, ki pwogramme pou envesti 2.4 milya dola nan pwojè kapital pandan senk ane k ap vini yo—yon ogmantasyon 500 milyon dola pa rapò a bidjè 2023 a. An 2022, otomobilis yo te fè plis pase 376 milyon vwayaj epi yo te kondwi 12 milya kilomèt sou sistèm Thruway la.

Senatè Eta a, James Skoufis te deklare, "Vwayajè nan Konte Orange yo merite enfrastrikti wout ki fyab yo ka santi yo byen pou yo itilize ki pa reprezante risk pou sekirite yo oswa pou machin yo. Mwen bat bravo pou Otorite Thruway paske yo fini pwojè refè sifas ak amelyorasyon sekirite 44.6 milyon dola sou I-87 anvan vwayaj sezon fèt la kòmanse".

Senatè Eta Bill Weber te deklare, "Moman an pa ta ka pi bon pou fini pwojè amelyorasyon sa a ki nesesè anpil. Pati Thruway ki déjà mouvante sa a pral sèlman wè plis trafik pandan n ap pwoche pi pre sezon fèt la epi li bon pou nou konnen travay la fini".

Manm asanble Karl A. Brabenec te deklare, "Mwen kontan tandem pale sou achèvman pwojè enpòtan sa a. Seksyon Thruway sa a gen apeprè 92,000 machin ki itilize I chak jou epi li kouvri prèske 16 kilomèt nan distri Asanble mwen reprezante a, ant sòti 15 nan vil Ramapo nan Iwès Konte Rockland ak vil Tuxedo nan sid Konte Orange. Reyabilitasyon ak reparasyon sifas chose a, instalasyon nouvo ray gid, ak amelyorasyon sistèm drenaj ak ponso yo pral rann vwayaj yo pi an sekirite ak pi agreyab pou tout moun!"

Chèf Egzekitif Konte Rocklan Ian, Ed Day, te deklare, "Nou apresye Thruway Eta New York paske yo fini pwojè amelyorasyon chose 44.6 milyon dola li a. Seksyon thruway sa a gen 92,000 veyikil ki itilize I chak jou, anpil ladan yo se rezidan Rockland ki konte anpil sou li akòz opsyon transpò piblik konte a ki limite anpil nan vil la. Nou rekonèt travay thruway eta a pou asire yon vwayaj dous pou rezidan nou yo".

Kad Egzekitif Konte Orange, Steven M. Neuhaus, te deklare, "Enfrastrikti ki an sekirite ak fyab enpòtan pou rezidan ak vwayajè Konte Orange yo, sitou vwayajè ki itilize Thruway la chak jou. Achèvman pwojè reyabilitasyon sa a rive nan moman pafè a kote jou ferye yo rive sou nou epi sikilasyon ap ogmante. Mwen remèsyse Otorite Thruway Eta New York paske yo fini travay sa a sou Interstate 87".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)